

ՀԱՅԿԱԿԱՆ ՍՍՀ ՏՆՏԵՍԱԿԱՆ ԵՎ ՍՈՑԻԱԼԱԿԱՆ
ԶԱՐԿԱՑՄԱՆ ՊՐՈԲԼԵՄՆԵՐԸ

ՄԻԿ ԱՅԵԼ ՓՈԹԱՆՅԱՆ
ՀՄԽ ԴԱ ԵՊՐԱԿԻԳ ԾՆՊԱՄ

Սովետական Միության կոմունիստական կուսակցության XXVI համագումարի հաստատած ՄՍՀՄ տնտեսական ու սոցիալական զարգացման 1981--1985 թվականների և մինչև 1990 թվականն ընկած ժամանակաշրջանի հիմնական ուղղությունները մեր երկրի արտադրողական ուժերի զարգացման նոր բնագծեր են նախանշում:

Ժամանակակից պայմաններում սոցիալիստական էկոնոմիկայի հեռանկարային պլանավորման, կազմակերպման ու կառավարման բնագավառում կարևոր դեր է տրվում նպատակային կոմպլեքսային ծրագրերի կազմմանը և իրականացմանը: ՄԻԿ ԿԿՄ համագումարը խնդիր դրեց ղեկավարական կոմպլեքսային ծրագրերը ավելի լայնորեն օգտագործել որպես տնտեսական ու սոցիալական զարգացման պետական հեռանկարային պլանների օրգանական բաղկացուցիչ մասեր, բարձրացնել դրանց հիմնավորվածությունը, նպատակամղվածությունը վերջնական արդյունքներին և գիտատեխնիկական, տնտեսական ու սոցիալական կոնկրետ խնդիրների լուծմանը:

Գիտատեխնիկական, տնտեսական ու սոցիալական զարգացման կոմպլեքսային ծրագրերը հնարավորություն են տալիս կառավարման տարբեր աստիճաններում լուծել համամիութենական, ռեգիոնալ, ճյուղային և այլ խնդիրներ, զրանցից յուրաքանչյուրի լուծմանը, որպես ամբողջական սիստեմ, մոբիլիզացնելով երկրի (իսկ հաճախ նաև երկրների) տնտեսական, գիտատեխնիկական և այլ կազմակերպությունների նյութական, ֆինանսական և աշխատանքային ռեսուրսները:

Միութենական նշանակության կոմպլեքսային նպատակային ծրագրերի մշակման հետ միասին անհրաժեշտ է նման ծրագրեր մշակել հանրապետությունների, տնտեսական շրջանների, քաղաքների, արտադրական միավորումների ու գործարանների մասշտաբով, որոնց նպատակն է առաջնահերթ գիտատեխնիկական, տնտեսական և սոցիալական խնդիրների կոմպլեքսային լուծման միջոցով բարձրացնել հասարակական արտադրության արդյունավետությունը:

Հանրապետական նշանակության նպատակային ծրագրերի մշակման համար ելակետ պիտք է ընդունել դրանց բնակլիմայական, դեմոգրաֆիկական և սոցիալ-տնտեսական զարգացման առանձնահատկությունները: Ելնելով այդ

էրեք առանձնահատկություններից՝ ներկայումս մեր հանրապետության տնտեսական և սոցիալական զարգացման ամենահրատապ պրոբլեմներից մեկը պետք է համարել խոշոր ֆալաֆներում և ճարտավարներում բնակչության կենտրոնացման արգելափակումը և հաճախակի տարածքի ֆիշ րե շատ կայուն ու համաշարժ բնակեցման ապահովումը: Այդ խնդրի լուծումը պահանջում է կոմպլեքսային միջոցառումների իրականացում և սկզբունքային մի քանի բարդ խնդիրների լուծում: Անհրաժեշտ է նկատի ունենալ, որ հանրապետության տարածքի միջին բարձրությունը ծովի մակերևույթից կազմում է ավելի քան 1800 մ: Հանրապետության տարածքի ավելի քան 70%-ը և բնակավայրերի 52,5%-ը գտնվում են ծովի մակերևույթից 1500 և ավելի մետր բարձրության վրա:

Չնայած իր այդպիսի լեռնային տարածքին, հանրապետությունը Միության ամենախիտ բնակեցված շրջաններից է: Այսպես, և՛ ՍՍՀՄ-ում 1979 թ. միջին հաշվով 1 կմ² վրա ապրում էր 11,9 մարդ, ապա Հայկական ՍՍՀ-ում՝ 103,2 մարդ:

Մեր հանրապետության բնակչության աճման տեմպերը ղգալիորեն գերազանցում են ինչպես Միության, այնպես էլ առանձին վերցրած մի շարք հանրապետությունների համապատասխան ցուցանիշները: Այսպես, 1970—1979 թթ. Հայկական ՍՍՀ բնակչությունն ավելացել է 22,1 %-ով, այն դեպքում, երբ ՍՍՀՄ բնակչության աճը, այդ նույն ժամանակահատվածում, կազմել է 9%:

Բնակչության բարձր խտության պայմաններում հանրապետության ռելիեֆի և բնակլիմայական պայմանների, ինչպես նաև նրա տարածքում արտադրողական ուժերի ոչ համաշարժ զարգացման հետևանքով անհամեմատ մեծ են բնակչության խտության տարբերությունները շրջաններում և գոտիներում (1 կմ² վրա 17—300 մարդ):

Հեռանկարում հանրապետության սոցիալ-տնտեսական զարգացման հարցերը լուծելիս անհրաժեշտ է հաշվի առնել ևս մեկ առանձնահատկություն: Դա մեկ շնչին ընկնող գյուղատնտեսական օգտագործելի հողատարածության խիստ սահմանափակությունն է: Հանրապետության տարածքի ավելի քան 50%-ը մեծ թեքություններ (16° և բարձր) և մեծ բարձրություն (ծովի մակերևույթից 2000 մ ավելի) ունենալու պատճառով գյուղատնտեսական օգտագործման համար սիտանի չէ: Հայկական ՍՍՀ-ում մեկ շնչին ընկնող գյուղատնտեսական օգտագործելի հողերը 1978 թ. կազմել են 0,4 հա, վարելահողերը՝ 0,17 հա, այն դեպքում, երբ ՍՍՀՄ միջինը համապատասխանաբար կազմել է՝ 2,1 և 0,9 հա: Միութենական հանրապետությունների շարքում Հայաստանն առաջին ցուցանիշով գրավում է վերջին տեղը: Հեռանկարում բնակչության մեծ չափով ավելացման հետևանքով հանրապետության այդ ցուցանիշներն էլ ավելի կվատանան:

Հանրապետության վարելահողերի խիստ սահմանափակությունը հնարավորություն չի տա հետագայում գյուղատնտեսության մեջ ընդդրվել մեծ թվով աշխատուժի: Բացի այդ, գյուղատնտեսական արտադրական պրոցեսների կոմպլեքսային միջնայացումը բացարձակորեն կրճատում է աշխատողների թիվը գյուղատնտեսության մեջ:

Հայկական ՍՍՀ սոցիալ-տնտեսական զարգացման հարցերը լուծելիս սկսած է հաշվի առնել ևս մեկ առանձնահատկություն. դա նրա բնակչության և արտադրական պոտենցիալի խիստ կենտրոնացումն է խոշոր քաղաքներում: Երեւան, Լենինական և Կիրովական քաղաքներում կենտրոնացված է հանրապետու-

թյան բնակչության ավելի քան 45, իսկ արդյունաբերական արտադրական կու-
լտությունների՝ մոտ 70%-ը:

Ելնելով հանրապետության վերը նշված առանձնահատկություններից, ՀԿԿ XXVII համագումարը որոշեց 1981—1985 թթ. և մինչև 1990 թ. ընկած մասնակաշրջանում ժողովրդական տնտեսության զարգացումը տանել ար-
դյունաբերության աշխատատար, սակավ մետաղատար ու էներգատար ճյուղերի
ընդլայնման, աշխատանքային ռեսուրսների առավել լրիվ օգտագործման նպա-
սակով արտադրողական ուժերի ճիշտ տեղաբաշխման, գյուղատնտեսության
արդյունավետության և ինտենսիվացման բարձրացման, գիտության ու տեխ-
նիկայի նվաճումների լայն օգտագործման, շրջակա միջավայրի պահպանու-
թյան և բնական ռեսուրսների ռացիոնալ օգտագործման պրոբլեմների լուծ-
ման, բնակչության աշխատանքի ու կենցաղի պայմանների է՛լ ավելի բարելավ-
ման ուղղություններով: Հանրապետության տնտեսական և սոցիալական զար-
գացման նշված խնդիրները լուծելու համար առաջնահերթ է դառնում կոմպլեք-
սային նպատակային ծրագրերի մշակումը և իրականացումը:

Հանրապետության բոլոր շրջանները համաշափ զարգացնելու համար ան-
հրաժեշտ է իրականացնել մի շարք կոմպլեքս միջոցառումներ. դրանք են.
1. տեղում բնակչության զբաղվածության պրոբլեմի լուծումը, 2. գյուղական
բնակչության սոցիալական և կուլտուր-տեխնիկական զարգացման ակտիվու-
մը, 3. հաղորդակցության ուղիների զգալի բարելավումը և հաղորդակցու-
թյան ու կապի միջոցների զարգացումը, 4. գյուղական բնակավայրերի կո-
մունալ-կենցաղային պայմանների արմատական բարելավումը:

Նման մոտեցումը բխում է ՍՍԿԿ XXVI համագումարի առաջադրած խն-
դիրներից: Համագումարը խնդիր դրեց իրականացնել կոմպլեքսային մոտե-
ցումը՝ ժողովրդական տնտեսության վոլեկապակցված ճյուղերի և երկրի տըն-
տեսական շրջանների զարգացումը պլանավորելիս:

Հանրապետության բոլոր շրջանների զարգացման համակարգում առաջին
պլանի վրա պետք է մղել ագրոարդյունաբերական կոմպլեքսների ստեղծումը,
յանի որ գյուղական բնակչության առաջնահերթ խնդիրը գյուղատնտեսական
մթերքների արտադրությունն է:

Գյուղատնտեսության մեծ չափով զարգացումը և ագրոարդյունաբերական
ինտեգրացումը մեր հանրապետության պայմաններում առաջիկայում կապահո-
վի լրացուցիչ աշխատատեղ, բայց աշխատուժի զբաղվածության պրոբլեմի
լուծման լուրջ ռեզերվ լինել չի կարող: Դա պայմանավորված է նրանով, որ նախ,
հանրապետության լեռնային տարածքը հնարավորություն չի տալիս զգալիորեն
ընդլայնել գյուղատնտեսական շրջանառության հողատարածությունները: Դա
նշանակում է, որ գյուղատնտեսության զարգացումը պետք է զնա ինտենսիվ
ուղղությամբ: Նրկորդ՝ գյուղատնտեսական արտադրության (հողագործություն,
անասնաբուծություն) պրոցեսների կոմպլեքսային մեքենայացումը հետագա-
յում կհանգեցնի գյուղատնտեսության մեջ զբաղվածների թվի բացարձակ
կրճատման:

Հետևապես, հանրապետության շրջաններում բնակչության զբաղվածու-
թյան պրոբլեմի լուծումը զուտ գյուղատնտեսական արտադրության զարգաց-
ման, ագրոարդյունաբերական ինտեգրացիայի միջոցով հնարավոր չէ: Գյու-

դատնտեսական մթերքների ինչպես արտադրության պրոցեսը (որում գնալով գերակշռող և տիրապետող է դառնում արդյունաբերական բնույթը), այնպես էլ գյուղատնտեսական մթերքների վերամշակման վրա բարձրացող արդյունաբերական ձևերարկություններն աշխատատուր չեն:

Հայաստանի կոմկուսի XXVII համագումարի նախանշած՝ հանրապետության գյուղատնտեսության զարգացման հիմնական ուղղությունները 1981—1985 թթ. և մինչև 1990 թ. նույնպես վկայում են, որ գյուղատնտեսական արտադրության զարգացումը առաջիկայում աշխատուժի զբաղվածության մեծ ռեզերվ լինելի կարող է:

11-րդ հնգամյակում և երկարատև հետևակարում հանրապետության գյուղատնտեսության զարգացումը նախատեսվում է տանել հետևյալ ուղղություններով. ա) գյուղատնտեսական արտադրության հետագա ինտենսիվացում ավելի խոր մասնագիտացման, համակենտրոնացման, կոմպլեքսային մերձակացման, քիմիացման ու մեխորացման, արտադրության տեխնոլոգիայի մեջ ժամանակակից դիտության նվաճումների ներդրման միջոցով: բ) Գյուղատնտեսական արտադրության արդյունավետության բարձրացում՝ հողային, ջրային, նյութատեխնիկական և աշխատանքային ռեսուրսների առավել ռացիոնալ օգտագործման միջոցով: գ) Ինդուստրիալ հիմքի վրա անասնապահության փոխադրում և կերի կաշուն բազայի ստեղծում: դ) Զերմոցային բանջարաբուծության առավել արագ զարգացում:

Ինչպես տեսնում ենք, հանրապետության գյուղատնտեսության զարգացմանը հետագայում բնորոշ կլինի ինտենսիվ ուղին: Գյուղատնտեսության արտադրության տարածքային (էքստենսիվ) զարգացումը, նոր մեծ մասշտաբի, հողատարածությունների մշակում համարյա չի նախատեսում՝ վարելահողերի մեծ ռեզերվներ չունենալու հետևանքով:

Ենթա է, 11-րդ հնգամյակի տարիներին զգալի աշխատանքներ կտարվեն ռոտորի հողերի րնդլայնման (30 հազ. հա), ջերմոցային բանջարաբուծության զարգացման (90 հա), խաղողի նոր այգիների հիմնման (5,1 հազ. հա) ուղղությամբ և այլն, բայց դրանք գյուղում աշխատուժի զբաղվածության պրորլեմի լուծման գործում էական դեր չեն կատարի:

Հանրապետության շրջանները համաշափ և կոմպլեքսային զարգացնելու բնակչության լրիվ զբաղվածության պրորլեմը լուծելու, ինչպես նաև գյուղական բնակավայրերի սոցիալական ու կուլտուրական զարգացումն ապահովելու նպատակով առաջնահերթ խնդիր է դառնում հանրապետության (հատկապես լեռնային ու նախալեռնային գոտիների) շրջաններում արդյունաբերական կոմպլեքսների տեղադրումը: Ըստ որում, կառուցվող կոմպլեքսների (միավորումների) գործարանները, արտադրամասերը (1000 և ավելի աշխատատեղով) պետք է տեղադրվեն այնպիսի բնակավայրերում (գյուղերում), որ հնարավոր լինի աշխատանքով ապահովելու մի քանի բնակավայրերի ազատ աշխատուժի: 'Իս հնարավորություն կտա մի կողմից խուսափել բնակչության խիստ կենտրոնացումից, մյուս կողմից՝ պահպանել գոյություն ունեցող բնակավայրերը:

Հանրապետության շրջաններում և առաջին հերթին լեռնային ու նախալեռնային գոտու շրջաններում խոշոր արդյունաբերական կոմպլեքսների (միավորումների) ստեղծումը հնարավորություն կտա.

1. խուսափել խոշոր քաղաքներում և հարթավայրերում բնակչության խիստ կենտրոնացումից, լուծել հանրապետության լեռնային տարածքի քիչ թե շատ

համաշխարհային բնակեցման պրոբլեմը՝ գյուղական բնակչության լրիվ զբաղվածության ապահովման միջոցով²։ 2. Գոմայլեքսների ստեղծման շրջանում տնտեսական արտադրանքի շինարարության համար նախատեսված միջոցներ (քանի որ գյուղական բնակչությունը հիմնականում ապահովված է անհատական բնակարաններով) և դրանք տրամադրել խոշոր ու միջին բաղադրերում բնակարանային սուր պրոբլեմի լուծմանը։ 3. Շրջաններում ստեղծված արդյունաբերական կոմպլեքսների միջոցները (սոցիալ-կուլտուրական միջոցառումների և բնակարանային շինարարության ֆոնդ) օգտագործել տեղերում սոցիալական զարգացման և կուլտուր-կենցաղային, կոմունալ ու ճանապարհաշինական նպատակներով, որոնց կարիքն առավել մեծ չափով են զգում հանրապետության շրջանները։ 4. Շրջաններում արդյունաբերական կոմպլեքսների տեղադրումը օբյեկտիվորեն կապահանջի համապատասխան ինֆրաստրուկտուրայի ստեղծում և ոչ արտադրական ոլորտի ընդլայնում, որը շրջանների սոցիալ-տնտեսական կոմպլեքսային զարգացման անհրաժեշտ պայմանն է։ 5. Վերջապես, կապահովվի հասարակության անվամենների գործունեության առողջ կենսաոլորտ։

Այդ բոլորից հետևում է, որ 11-րդ հնգամյակից սկսած, հանրապետության կապիտալ ներդրումները հիմնականում պետք է ուղղվեն շրջաններում (առաջին հերթին լեռնային և նախալեռնային) արդյունաբերական նոր կոմպլեքսները ստեղծմանը։

Առաջադրված ծրագրի իրականացման գործում առանձնապես մեծ է մեքսիկացիների, հատկապես ռադիոտեխնիկայի, էլեկտրատեխնիկայի և սարքաշինության դերը։ Հանրապետության գիտատեխնիկական պոտենցիալը հնարավորություն է տալիս առաջիկա հնգամյակներում մեծ դարձ տալ այդ գիտատար, ինֆորմատար, աշխատատար և սակավ նյութատար, այսինքն՝ գիտատեխնիկական առաջադիմությունն ապահովող արտադրության ճյուղերին։

Անհրաժեշտ է նշել, որ վերջին երկու հնգամյակներում գյուղական վայրերում բնակչության զբաղվածությունն ապահովելու նպատակով ստեղծվել են խոշոր արդյունաբերական արտադրական միավորումների մասնաճյուղեր։ Սակայն առանձին գյուղերում հիմնականում լքված արտադրական և դարձյալական շենքերում, 100—200 աշխատող ունեցող «այդ արդյունաբերական ձեռնարկությունները» տնտեսապես իրենց չեն արդարացնում (մեծ մասամբ վնասաբեր են), տեխնիկական վերակառուցման և հագեցման տեսակետից հեռու են մասնակալից գիտատեխնիկական հեղափոխության ներկայացրած պահանջներից։ Այդպիսի արտադրամասերը մասնակիորեն են լուծում զբաղվածության պրոբլեմն անգամ մեկ գյուղի մասշտաբով, որովհետև դրանցում կիրառվում է հիմնականում կամ միայն տղամարդու, կամ կանացի աշխատանք։ Հետևա-

² Ի տարբերություն միոթենական շատ հանրապետությունների, որտեղ ցանկացած վայրում կարող են կառուցվել խոշոր քաղաքներ (մեկ մլն և ավելի բնակչությամբ), Հայկական ՍՍՀ-ի լեռնային տարածքը և սոցիալ-տնտեսական զարգացման առանձնահատկություններն այդ թույլ չեն տալիս։ Հանրապետությունում 500 հազար բնակչությամբ անգամ մեկ քաղաքի ստեղծումը կնշանակի 10—15 շրջանի ապարնակեցում։ Մենք չպետք է ձգտենք նոր ոչ միայն մեծ, այլ անգամ միջին քաղաքների ստեղծմանը։ Մեր հանրապետության լեռնային տարածքը մեզ թևադրում է պահպանել ու զարգացնել արդեն ձևավորված բնակավայրերը (դրանց տնտեսական միավորման քաղաքի վրա), յուրաքանչյուրը վերածել քաղաքացի և այսօրվա ու վաղվա մարդու տնտեսական, սոցիալական, կուլտուր-կենցաղային պահանջներները բավարարող քաղաքատիպ բնակավայրերի։

պես, գյուղի մասշտաբով լրիվ զբաղվածություն ապահովելու համար նույն վայրում անհրաժեշտ կլինի ստեղծել և՛ կանացի, և՛ տղամարդու աշխատանքի կիրառման հրկու տարբեր արտադրական պրոֆիլ ունեցող փոքր արտադրամաս, որը տնտեսապես իրեն չի կարող արդարացնել: Եթե մենք հանրապետության շրջաններում բնակչության զբաղվածության պրոբլեմը լուծենք մասնաճյուղերի և արտադրամասերի ստեղծման «ավանդական» ճանապարհով, ապա անհրաժեշտ կլինի բացել շուրջ 1500 արտադրամաս՝ այսօր դրսևող 100-ի փոխարեն: Պարզ է, որ այդ ուղին պրոբլեմի լուծման համար տնտեսապես ճիշտ լինել չի կարող: Վերջապես, այդ մասնաճյուղերը, որոնց գլխադաս ձևն արկությունն էրը գտնվում են քաղաքներում, էապես չեն նպաստում գյուղի սոցիալական զարգացմանը, ճանապարհաշինությանը և գյուղի կոմունալ-կենցաղային դրության բարելավմանը, քանի որ շահույթներից (եթե դրանք կան) կալվածավորվող հոնդերը տնօրինում է գլխադաս ձևն արկությունը: Քաղաքներում դրանց օդատագործման բնագավառն անհամեմատ մեծ է և, բնականաբար, գյուղի փոքր և ոչ շահութաբեր արտադրամասերին այդ հոնդերից բաժին չի հասնում: Լեյստեղից հետևում է, որ հանրապետության շրջաններում բնակչության զբաղվածության պրոբլեմի լուծման գլխավոր ուղին զբանցում արդյունաբերական կոմպլեքսների տեղադրումն է:

Հանրապետության շրջաններում արդյունաբերական, գիտաարտադրական ագրոարդյունաբերական կոմպլեքսների ստեղծման հետ միասին պրոբլեմի լուծմանը, այսինքն՝ հանրապետության առանձին ուղիներին կոմպլեքսային զարգացմանը, մեծ չափով կնպաստի գիտահետազոտական, նախագծային-կոնստրուկտորական կազմակերպությունների և միջին մասնագիտական ուսումնական հաստատությունների ճիշտ տեղաբաշխումը:

Դրա հետ միասին, արդի սոցիալ-տնտեսական զարգացման պրոբլեմների լուծման, լեռնային ու նախալեռնային գոտիների, շրջանների կոմպլեքսային զարգացման ապահովմանը մեծ չափով կնպաստեն գիտաուսումնաարտադրական կոմպլեքսների ստեղծումը և դրանց տեղադրումը հանրապետության տարբեր շրջաններում: Նման կոմպլեքսների ստեղծումը և դրանց ճիշտ տեղաբաշխումը հանրապետության տարածքում կլուծի հրկու խոշոր պրոբլեմ. ա) ժամանակակից գիտատեխնիկական հեղափոխության պահանջներին համապատասխան բարձրորակ կադրերի պատրաստում և բ) հանրապետության տնտեսական շրջանների կոմպլեքսային (գիտատեխնիկական և տնտեսական), ինչպես նաև սոցիալական զարգացման խնդիրների լուծումը:

Գիտաուսումնաարտադրական կոմպլեքսը հնարավորություն կտա մի կողմից գիտության ու տեխնիկայի ամենամյա նորությունները հասցնել ուսանողությանը, իսկ մյուս կողմից՝ ամենօրյա արտադրական պրակտիկան, որպես ուսումնական պրոցեսի բաղկացուցիչ մաս, մասնագետին, բուհն ավարտելուց հետո, թույլ կտա անմիջապես մուտք գործել ստեղծագործական աշխատանքի շրջանը: Երկրորդ խնդրի լուծման անհրաժեշտությունը բխում է նրանից, որ մեր հանրապետությունում (չնայած նրա փոքր տարածքին) գիտահետազոտական, նախագծային-կոնստրուկտորական կազմակերպությունները, բուհերը, արդյունաբերական օբյեկտները կենտրոնացվել են խոշոր քաղաքներում (Երևան, Լենինական, Կիրովական), Գիտահետազոտական, նախագծային-կոնստրուկտոր-

րական հիմնարկների և բուհերի բացարձակ գերակշռող մասը տեղադրված է Երևանում: Այսպես, հանրապետության բարձրագույն ուսումնական հաստատությունների ուսանողության 90, միջին մասնագիտական կրթության ուսանողության ավելի քան 50 և գիտական աշխատողների 70%-ը կենտրոնացված է Երևանում: Նման իրավիճակը չի նպաստում հանրապետության բոլոր շրջանների կոմպլեքսային զարգացմանը և առաջ է բերում երիտասարդ բնակչության ու բարձրորակ մասնագիտների հոսք դեպի Երևան: Դա մի կողմից քաղաքացիներին ազդում հանրապետության շրջանների ու քաղաքների տնտեսական, կուլտուր-տեխնիկական ու սոցիալական զարգացման վրա, իսկ մյուս կողմից՝ լուրջ սոցիալ-տնտեսական պրոբլեմներ է ստեղծում հանրապետության մայրաքաղաքի համար, որոնց լուծումը շատ թանկ է նստում հասարակությանը:

11-րդ հնգամյակից սկսած Երևանը պետք է ճշգրտաթափվել գիտահետազոտական, նախագծային-կոնստրուկտորական հիմնարկներից ու բուհերից և զբաղվի քաղաքի վրա հանրապետության շրջաններում ստեղծել գիտատեխնիկական արտադրական կոմպլեքսներ, գիտական, գիտատեխնիկական խոշոր կենտրոններ:

Ի դեպ, նկատենք, որ գիտահետազոտական և ուսումնական խոշոր օղակները ներկայումս, զարգացած բոլոր երկրներում, ստեղծվում են մեծ քաղաքներից 70—200 կմ հեռավորության վրա:

Միությունում և մեր հանրապետությունում գիտատեխնիկական կադրերի պատրաստումն ընդունել է այնպիսի մասշտաբներ, որ բոլոր շրջաններն ունենալու բարձրագույն և միջնակարգ մասնագիտական կրթությամբ իրենց կադրերը: Այսօր մեր հանրապետության ցանկացած շրջանում կարելի է ստեղծել նրանց աշխատանքի կիրառման համապատասխան օղակ (գիտատեխնիկական, գիտաարտադրական միավորում): Բացի այդ, մայրաքաղաքից հանրապետության շրջանների մեծ մասի հեռավորությունն այնպիսին է (30—120 կմ), որը հեռավորություն է տալիս սկզբնական շրջանում լայն չափով կիրառել նաև Երևանում արդեն հիմնավորված բարձրորակ գիտական կադրերի աշխատանքը: Ինդրի արմատական լուծումը պահանջում է նաև մի շարք գիտահետազոտական ինստիտուտների և բուհերի փոխադրում հանրապետության շրջանները:

Հանրապետության շրջաններում վերը նշված բնույթի կոմպլեքսների տեղադրումը կնպաստի մի կողմից զբաղվել գիտատեխնիկական և կուլտուրական զարգացմանը, մյուս կողմից՝ տեղում բնակչության զբաղվածության պրոբլեմի լուծմանը:

Հանրապետության սոցիալ-տնտեսական զարգացման ծրագրի իրականացման մյուս՝ երրորդ, հանգույցը շրջանների և բնակավայրերի ժամանակակից պահանջները բավարարող նպաստակցություն ունեցող ստեղծումն է: Հանրապետության որոշ արդյունաբերական հանգույցներում կարևոր նշանակություն կունենա երկաթուղային տրանսպորտի զարգացումը, բայց մեր շրջանների կոմպլեքսային զարգացման խնդրի լուծման գործում վճարական դերը պատկանիլու է ավտոմոբիլային տրանսպորտին և ճանապարհաշինությանը: ՍՄԿԿՄ ՄՄԿՄ համագումարը խնդրի դրեք «ընդլայնել ավտոմոբիլային ճանապարհները՝ կառուցումը գյուղական վայրերում և ամենից առաջ այն ճանապարհների կառուցումը, որոնք շրջանային կենտրոնները, կոյունտնությունները ու սովխոզ-

ների կենտրոնական դաստակերտները կապում են ընդհանուր օգտագործման ավտոմոբիլային ճանապարհների հետ»³։

Հանրապետության շրջանների կոմպլեքսային զարգացման նպատակային ծրագրի շորորոգ խոշոր հանգույցը գյուղական բնակչության կոմունալ պայմաններին արմատական բարելավումը և կենցաղի վերակառուցումն է։ Ներկայումս սովետական քաղաքացին, անկախ նրանից, թե որտեղ է ապրում (քաղաքում, բանավանում, գյուղում), միայն բնակարանով բավարարվել չի կարող։ Հասարակության անդամների կրթական, կուլտուրական մակարդակների բարձրացումը ամենուրեք համապատասխան կենցաղի պահանջ է ներկայացնում։ Հանրապետությունում բնակչության արտակարգ մեծ հոսքը խոշոր քաղաքներ պայմանավորված է նաև գյուղերի, բանավանների, փոքր, միջին և խոշոր քաղաքների կոմունալ-կենցաղային պայմանների մեծ տարբերությամբ։

Բնակչության գյուղից քաղաք կատարվող հոսքի դադարեցումը և հակառակ ուղղությամբ հոսքի առաջացումը պահանջում է, դբադվածության հարցի լրիվ կարգավորման հետ միասին, լուծել գյուղերի, բանավանների և քաղաքների ջրամատակարարման, բոլոր բնակարանները ջրով ապահովելու, գյուղի կենցաղը արմատապես բարելավելու պրոբլեմը։

Ճիշտ է, այսօր հանրապետության բոլոր բնակավայրերը մատակարարվում են ջրով, բայց համարյա ոչ մի բնակավայր չունի ջրամատակարարման հուսալի սիստեմ։ Անգամ Երևան, Լենինական, Դիլիջան, Էջմիածին և մյուս քաղաքները ջրով ապահովված չեն, շատ թաղամասերի բնակարաններում ջրի անընդմեջ մատակարարում չի կատարվում։ Առավել վատթար է բնակարանների ջրամատակարարման վիճակը փոքր քաղաքներում, բանավաններում և գյուղերում։ Հատկապես գյուղերում բնակիչների ջրամատակարարման հասկացությունը սահմանափակվում է հիմնականում ընդհանուր օգտագործման մի քանի ջրաձորակներ դնելով։

Ձնայած դրան, պետք է նկատել, որ արտագրական ֆունկցիա իրականացնելու համար հողերի ջրառռոգման, անասնազոմների ջրամատակարարման համար միջոցներ չեն խնայվում։ Ժամանակն է, որ միջոցներ տրամադրվեն նաև գյուղական բնակչության բնակարանների կարգավորված ջրամատակարարման և կոյուղու սիստեմ ստեղծելու համար։

ՍՄԿԿ Կենտկոմի 1978 թ. հուլիսյան պլենումում ընկ. Լ. Ի. Բրեժնևը նշեց, որ «Այսօր հարցը կարող է դրվել միայն այսպես՝ տնտեսությունների ղեկավարները, կուսակցության կոմիտեները, սովետական և արհմիութենական մարմինները գյուղի աշխատավորների բնակարանային ու կենցաղային կարիքների, նրանց աճած կուլտուրական պահանջմունքների բավարարման նկատմամբ պակաս հոգատարությունը չպետք է ցուցաբերեն, բան արտագրության զարգացման նկատմամբ»⁴։

Եթե այսօր անհրաժեշտ նյութական և ֆինանսական միջոցներ տրամադրվեն կոմունալ-կենցաղային շինարարությանը, ջրամատակարարման կարգավորված սիստեմների ստեղծմանը, ապա կարճ ժամանակամիջոցում հնարավոր է լուծել հանրապետության գյուղերի ու բանավանների բնակչության կենցաղի

³ «Սովետական Հայաստան», 5. III. 1981.

⁴ Նույն տեղում, 4. VII. 1978.

արմատական վերակառուցման պրոբլեմը, այսինքն՝ գյուղում քաղաքային կեն-
ցաղ ստեղծելու հարցը:

Մեր հանրապետության անհրաժեշտ հիմքեր ունի առաջիկա երկու հնգամ-
յակներում լուծելու բոլոր բնակավայրերում կարգավորված ջրամատակարար-
ման սխեման ստեղծման, բնակչության կոմունալ-կենցաղային պայմանների,
հաղորդակցության ճանապարհների արմատական բարելավման, ամենուրեք
քաղաքային կենցաղ ստեղծելու պրոբլեմը: Առաջիկա 50 տարում հանրապետու-
թյան միայն աղբյուրների ջրերը կարող են լրիվ չափով բավարարել բնակչու-
թյան կոմունալ-կենցաղային բոլոր տեսակի պահանջմունքները: Ներկայումս
Հայկական ՍՍՀ ջրային աղբյուրների արտահոսքը կազմում է 50 խմ/վրկ: Ջրի
այդ քանակը բավարարում է ավելի քան 8,6 մլն մարդու ջրի նկատմամբ ունե-
ցած բոլոր տեսակի պահանջմունքները (1 շնչին օրական 500 լիտր ջրի հաշ-
վով): Աղբյուրների ջրի ոչ ճիշտ և նպատակային օգտագործումը, ինչպես նաև
ջրամատակարարման շղարգավորված սխեմաների հետևանքով մեծ կորուստ-
ները մեր շատ քաղաքներին, բնավայրերին և գյուղերին զրկում են անգամ
խմելու ջրի անընդմեջ մատակարարման հնարավորությունից:

Ներկայումս հանրապետության համարյա բոլոր բնակավայրերը մատա-
կարարվում են աղբյուրների ջրով: Բայց գյուղական բնակավայրերը, օրոնք
քացարձակ գերակշռություն են կաղմում (բնակավայրերի մոտավորապես 80
%-ը) շունեն խմելու ջրի կուտակման ամբարներ և օգտագործվում է ջրի միայն
1-20 մասը:

Եթե բոլոր գյուղերում ստեղծվեն ջրակուտակման ամբարներ ու ջրամատա-
կարարման կարգավորված սխեմա և օրը 1 շնչին 500 լիտր ջուր մատակարար-
վի, ապա հանրապետության գյուղական բնակչության պահանջմունքները բա-
վարարելու համար անհրաժեշտ կլինի մոտ 7 խմ/վրկ ջուր:

Աղբյուրների ջրով Հայաստանի հարուստ լինելը, որոշ իմաստով, խան-
գարում է քաղաքների, բնավայրերի ու գյուղերի ջրամատակարարման պրոբ-
լեմի արմատական լուծմանը: Բնակավայրերի ջրամատակարարման պրոբլեմի
լուծման բոլոր նախադեմքերը կազմվում են այս կամ այն աղբյուրի ջրի տեղա-
փոխման միջոցով: Այդպես վարվելով, մենք «ստիպված» ենք նրան տեղա-
փոխել մոտակա շրջանների աղբյուրների ջրերը, հաճախ անտեսելով շրջակա
բնակավայրերի, անգամ շրջակա տեղերի պահանջները:

Տրամաբանական է, որ միայն աղբյուրների ջրով (չնայած դրա մեծ քա-
նակին) բոլոր քաղաքների, բնավայրերի և գյուղերի ջրամատակարարման
պրոբլեմը լուծել հնարավոր չէ: Պետք է նկատի ունենալ, որ աղբյուրների ջրի
չդալի մասը օգտագործվում է ոռոգման նպատակներով: Շատ տնտեսություն-
ներ, մանավանդ լեռնային գոտում, ոռոգման ուրիշ միջոցներ չունեն: Նման
տնտեսությունների տարածքի աղբյուրների ջրերը, թեկուզ որպես խմելու ջուր
առանց տնտեսության ոռոգման հարցը լուծելու, այլ բնակավայրեր տեղափո-
խելը կտրականապես պետք է արգելի:

Հանրապետության բնակավայրերի ջրամատակարարման պրոբլեմը լու-
ծելու համար պետք է մտածել նաև գետերի ջրերի օգտագործման մասին: Դե-
տերի ջրերը հիմնականում սխեմա է օգտագործել խոշոր և միջին քաղաքներին
կենցաղային և տնտեսական ջուր մատակարարելու նպատակով: Միայն այդ

ձանապարհով է հնարավոր լուծել հանրապետության խոշոր քաղաքների ջրամատակարարման պրոբլեմը:

Վերոգրյալից հետևում է, որ հանրապետության բոլոր բնակավայրերի ջրամատակարարման պրոբլեմն արմատապես լուծելու համար անհրաժեշտ է. 1. Աղբյուրների ջրերի կորուստները հասցնել նվազագույնի՝ բոլոր բնակավայրերում ջրամատակարարման կարգավորված սխեմաներ ստեղծելու և ջրամբարներ կառուցելու միջոցով: 2. Քաղաքներում ստեղծել խմելու ջրի և կենցաղային ու տեխնիկական ջրի մատակարարման առանձին սխեմաներ: Այդ նպատակով 11-րդ հնգամյակից սկսած հարկ է նախատեսել գետերի ջրերի մաքրման և դրանք տեխնիկական ու կենցաղային նպատակներով օգտագործելու սխեմաների կառուցում:

Սեր հանրապետության առանձնահատկությունն այն է, որ նա հարուստ է աղբյուրների ջրով, կարող է և պետք է բնության այդ բացառիկ բարիքը, խմելու նպատակով, հասցնել բոլոր բնակավայրերը և բոլոր բնակարանները: Աղբյուրի լուրջ միջոցառումների իրականացումը բխում է ՍՄԿԿ XXVI համագումարի որոշումներից: Համագումարը խնդիր դրեց «Բարևակվել բնակչության կյանքի, բնակարանային և կուլտուր-կենցաղային պայմանները... զարգացնել քաղաքների և գյուղերի կոմունալ տնտեսությունն ու տրանսպորտը, զբաղյալ բարեկարգումը»:

Ինչպես տեսնում ենք, հանրապետության տնտեսական ու սոցիալական զարգացման կոմպլեքսային նպատակային ծրագիրը պահանջում է իրականացնել մի շարք ժողովրդատնտեսական նշանակություն ունեցող միջոցառումներ, որոնք լուծում են ոչ միայն ներկայիս հաստենացած, այլև ապագայի խնդիրները: Այդպիսի խոշոր կոմպլեքս ծրագրի իրականացումը հանրապետությունում, առհասարակ, ժամանակավորապես կիշեցնի կապիտալ ներդրումների արդյունավետությունը: Կապիտալ ներդրումները բացարձակ գերակշռող մասով պետք է ուղղել նոր արդյունաբերական, գիտությունն արտադրական, ագրոարդյունաբերական կոմպլեքսների, և ձանապարհաշինարարության և ջրամատակարարման սխեմաների ստեղծմանը, որոնք այդ ծրագրի լուծման առանցքային ուղիներն են:

Իհարկե, արտաքինապես դա կարող է հակասել արտադրության արդյունավետության բարձրացման կուսակցության նախագծած՝ կապիտալ ներդրումները հիմնականում գործող ձեռնարկությունների վերակառուցմանը և ընդլայնմանը հիմնականում ուղղելու կուրսին: Բայց դա միայն արտաքինապես, հարցի լմբոնման այսօրվա տեսանկյունից:

Եթե կապիտալ ներդրումները Հայկական ՍՍՀ-ում ուղղենք հիմնականում գործող ձեռնարկությունների վերակառուցմանը և ընդլայնմանը, ապա դա կնշանակի մեծացնել հանրապետության երեք խոշոր քաղաքները, քանի որ արդյունաբերության մոտ 70%-ը տեղադրված է Երևանում, Լենինականում և Կիրովականում, որը կհասցնի հանրապետության բնակչության էլ ափելի կենտրոնացման և սոցիալ-տնտեսական մի շարք խնդիրների լուծման բարդացման, որոնք հետագայում կարգելակեն հասարակական արտադրության արդյունավետության բարձրացումը:

Պետք է նկատել, որ մեր կուսակցությունը և կառավարությունը գիտատեխ-
նիկական, տնտեսական և սոցիալական առավել կարևոր պրոբլեմների լուծ-
ման կոմպլեքս ծրագրերը իրականացնելիս հնարավոր ևն համարում կապիտալ
ներդրումների ուղղության փոփոխում և արդյունավետության ժամանակավոր
խզկցում:

Դրա արտահայտությունն է մասնավորապես նաև ԲԱՄ-ի կոմպլեքսի,
Բրատսկ-Ուստ-Իլիմի տարածքային-արտադրական կոմպլեքսի, Արևմտյան Սի-
բիրում նավթի և գազի հանույթի խոշորագույն տարածքային-արտադրական
և այլ կոմպլեքսների ստեղծումը:

Սոցիալ-տնտեսական կոմպլեքսային դարգացման նման ծրագրերի ար-
դյունավետության գնահատման համար չպետք է Լենել ուղղակի կապիտալ
ներդրումների և արդյունքի չափակցման գործող մեթոդիկայից, որն արտա-
հայտում է նեղ ճյուղային էֆեկտը: Սոցիալ-տնտեսական դարգացման միջո-
ցառումների իրականացման արդյունավետությունը գնահատելու համար պետք
է հիմք ընդունել հասարակական ամբողջ ծախսումները՝ անկախ դրանց ծախս-
ման աղբյուրներից (արդյունաբերական միևնույնության, ոչ արդյունաբերա-
կան միևնույնության, քաղաքային, շրջանային, գյուղական սովետների և այլն):
Նթե ուղղակի կապիտալ ներդրումներից բացի հաշվի առնենք նաև ճանապարհ-
հաշինության, բնակարանային շինարարության, քաղաքային տնտեսության
(կոմունալ, կենցաղ, ջրամատակարարում և այլն), քաղաքների բարեկարգման
և այլ ուղղությամբ կատարվող անխուսափելի ծախսումները, ապա ճիշտ պատ-
կերացում կկազմենք ամբողջի արդյունավետության մակարդակի մասին: Այդ
բոլորից հետևում է, որ սոցիալ-տնտեսական կոմպլեքս զարգացման նպատա-
կային ծրագրերի իրականացման ուղղությամբ ներդրումների արդյունավետու-
թյունը պետք է գնահատել ոչ թե նեղ ճյուղային, այլ հասարակական, սո-
ցիալ-տնտեսական արդյունավետությամբ:

Հանրապետական կոմպլեքսային նպատակային ծրագրի հետ միասին ան-
հրաժեշտ է մշակել նաև միջճյուղային, ճյուղային զարգացման կոմպլեքսային
նպատակային, ինչպես նաև քաղաքների ու շրջանների սոցիալ-տնտեսական
կոմպլեքսային զարգացման ծրագրեր:

Մեր հանրապետության համար առանձնահատուկ նշանակություն ունի
բնական ռեսուրսների (հատկապես գունավոր մետաղների, շինանյութերի, հան-
քային ջրերի և այլն) կոմպլեքսային օգտագործման ծրագրերի մշակումը: Դրան-
ցից համառոտակի կանգ առնենք միայն հանքային ջրերի կոմպլեքսային օգ-
տագործման վրա:

Հանքային ջրերի ռեսուրսներով Հայաստանը, բնակչության 1 շնչի հաշ-
վով, աշխարհում զրավում է առաջին տեղը: Չնայած դրան, այն դեռևս համաշ-
խարհային լայն ճանաչում չունի: Դա բացատրվում է նրանով, որ և՛ արտա-
դրական, և՛ բուժման նպատակներով հանքային ջուրը անբավարար են օգ-
տագործում: 1976 թ. սվյալներով հանրապետության հանքային ջրերի արտա-
հոսքը կազմել է 1 խմ/վրկ: Նույն թվականին, արտադրական և բուժման նպա-
տակներով օգտագործվել է 475 հազ խմ ջուր (այսինքն 6 օրվա արտահոսքը),
որից 308 հազ. խմ բուժական նպատակներով և 152 հազ. խմ՝ արտադրական
նպատակներով (214,3 մլն շիշ հանքային ջուր): 1981 թ. նախատեսվում է
հանքային ջրերի արտադրությունը հասցնել 345 մլն շիշ: Ամենակուպիտ հաշ-

վարկներով, լավագույն դեպքում, մենք ընթացիկ տարում կօգտագործենք մեր հանրապետության հանքային ջրերի միայն 8—10 օրվա արտահոսքը:

«Հայպետնախագծի» մշակած տվյալներով հեռանկարում հանրապետության առողջարանների և բուժիչ պանսիոնատների մասնակայների ֆոնդը կհասնի 40 հազարի: Եթե 1981 թ. համեմատությամբ շշալցումը եռապատկենք, ապա 2000 թ., լավագույն դեպքում, արտադրական և բուժման նպատակներով կօգտագործենք հանրապետության հանքային ջրերի 20—25 օրվա արտահոսքը:

Հանքային ջրերի օգտագործման կոմպլեքսային ծրագրի կազմումը հնարավորություն կտա հանրապետության այդ անգնահատելի հարստությունն օգտագործել հանուն ժողովրդի բարօրության և միաժամանակ ստանալ մեծ եկամուտ: Բավական է ասել, որ եթե մեր հանքային ջրերի 32 մլն խմ տարեկան արտահոսքի միայն կեսն օգտագործվի շշալցման նպատակով, ապա այն, այսօրվա գնահատումներով, կարող է ապահովել տարեկան ավելի քան 1,8 մլրդ ռուբլու համախառն արտադրանքի ստացում, որը 2 անգամ կգերադանցի հանրապետության սննդի արդյունաբերության միխիստրության 1975 թ. թողարկած ամբողջ արդյունքը: Ուստի նպատակահարմար և տնտեսական տեսակետից շահավետ է մշակել հանքային ջրերի օգտագործման կոմպլեքսային ծրագիր 11-րդ և 12-րդ հնգամյակների և առավել երկարատև ժամանակաշրջանի համար: Ծրագիրը պետք է կազմվի այն հաշվով, որ դարի վերջին ապահովվի այդ արժեքավոր բնական ռեսուրսի անկորուստ օգտագործումը: Այդ ծրագրում առաջին պլանի վրա պետք է մղել միջազգային նշանակության առողջարանների կոմպլեքսների ստեղծումը: Երկրորդ խումբ միջոցառումները պետք է ուղղված լինեն խոշոր, ժամանակակից տեխնիկայով հագեցած, շշալցման արտադրական կոմպլեքսների ստեղծմանը, իսկ երրորդ խումբ միջոցառումները՝ հարակից արտադրությունների զարգացմանը (ապակե տարայի, առողջարաններին սպասարկող արտադրությունների և այլն): Զորքորդ խումբ միջոցառումներն էլ պետք է ուղղված լինեն կառուցվող կոմպլեքսների հետ հաղորդակցության ուղիների զարգացմանը:

Այստեղ թվարկեցինք հանքային ջրերի օգտագործման կոմպլեքս ծրագրի հիմնական հանգույցները: Ծրագրի կազմման ժամանակ պետք է հաշվի առնել նաև մյուս մանրամասնությունները:

Տրամաբանական է, որ նշված բոլոր հարցերի լուծումը, որպես մեկ ամբողջական կոմպլեքսային ծրագրի բաղկացուցիչ մասեր, պետք է կատարվեն տարբեր միխիստրությունների ու գերատեսչությունների համագործակցության միջոցով:

Քաղաքների տնտեսական և սոցիալական կոմպլեքսային զարգացման ծրագրերից կանգ առնենք Նրևանի հեռանկարային մի քանի հարցերի վրա:

Երևանի զարգացումը հետպատերազմյան շրջանում գնաց այն ուղղությամբ, որ նրա շրջանները զարգացան ոչ թե որպես տնտեսական, սոցիալ-կուլտուրական մի ամբողջական կոմպլեքս, այլ դրանց առանձնացված սիստեմներ: Այսօր Երևանում ձևավորվել է 3 «ննջարան» դանգված (արևելյան, արևմտյան և հարավ-արևմտյան), որտեղ բնակվում է հիմնական (այն էլ երիտասարդ) աշխատուժը: Իսկ արդյունաբերական ձեռնարկությունները, ավանդական կերպով, տեղադրվել են քաղաքի հարավային և շատ քիչ մասով՝ հյուսիսային շրջանում:

Առանց մեր ռեյիեֆի ու բնակլիմայական պայմանների առանձնահատկությունները և, ամենակարևորը, գիտատեխնիկական առաջադիմությամբ պայմանավորված ժամանակակից արդյունաբերության տեխնոլոգիայի փոփոխությունները հաշվի առնելու՝ Միության քաղաքաշինության ավանդույթը կրկնելու հետևանքով արդյունաբերական կոմպլեքսների և բնակելի զանգվածների առանձնացված սիստեմների ստեղծումն այսօր լուրջ սոցիալ-տնտեսական դժվարություններ է առաջ բերել հանրապետության մայրաքաղաքում: Գերին-տենսիվ է դարձել մարդկանց շարժը «ննջարաններից» դեպի արդյունաբերական զանգվածները: Դա հասցրել է արանսպորտի գերբեռնվածության, մարդկանց աղատ ժամանակի հսկայական կորստի (աշխատավայր գնալու և վերադառնալու ժամանակ), նրանց հոգեկան լարվածության խիստ մեծացման ու տրամադրության անկման, որը բացասաբար է ազդում աշխատանքի արտադրողականության վրա, հանգեցնում է աշխատուժի հոսունության մեծացման:

Այսօր քաղաքների միկրոշրջանների կոմպլեքսային զարգացումը հրամայական պահանջ է դարձել: Յուրաքանչյուր միկրոշրջան արդյունաբերա-առևտրաբնակարանային, կուլտուր-կենցաղային, գիտատեխնիկական կոմպլեքսների մի ամբողջություն պետք է ներկայացնի, որտեղ բավարարվեն յուրաքանչյուր բնակչի աշխատանքային, հոգևոր ու նյութական պահանջները: Դա նշանակում է, որ այսօրվա բնակելի, արդյունաբերական, առևտրական, կուլտուրական ու կենցաղային (քաղաքի տարբեր մասերում ցրված) անջատ համալիրների փոխարեն պետք է ունենանք դրանց օրգանական մի ամբողջություն, ընդհանուր կոմպլեքս, քաղաքի միկրոշրջան կամ շրջան:

Իհարկե, մենք կանգ առնք միայն մի քանի անհետաձգելի խնդիրների վրա, որոնք կազմում են մեր հանրապետության տնտեսական ու սոցիալական զարգացման կոմպլեքսային ծրագրի բաղկացուցիչ մասերը: Պրոբլեմի գործնական լուծման ընթացքում տրամաբանական է, որ առաջ կգան նոր հարցեր, որոնք կլրացնեն և կամբողջացնեն մեր նպատակային ծրագիրը:

ПРОБЛЕМЫ ЭКОНОМИЧЕСКОГО И СОЦИАЛЬНОГО РАЗВИТИЯ АРМЯНСКОЙ ССР

МИКАЕЛ КОТАНЯН
Член-корр. АН Арм. ССР

Резюме

Одной из самых неотложных проблем социально-экономического развития нашей республики должно быть ограничение централизации населения в крупных городах и равнинных поселениях, более полное и стабильное заселение районов республики, сохранение и развитие населенных пунктов в горных и предгорных районах.

В целях предотвращения чрезмерной централизации населения в крупных городах и промышленных центрах и дальнейшей его децентрализации необходимо обеспечить равномерное размещение производительных сил и комплексное развитие районов республики. Для этого необходимо осуществить следующие мероприятия: 1. решить проблему занятости населения на месте; 2. обеспечить социальное и культурно-техническое развитие сельских районов; 3. коренным образом улучшить коммунально-бытовые условия сельских поселений; 4. значительно улучшить пути сообщения и развить средства передвижения.